

詩山堂詩草

三

和書門類

詩集文集

三册	七架	七函	二六四九號	和書門類
----	----	----	-------	------

二六函	一八架	三册	二六四九號	和書類
-----	-----	----	-------	-----

內閣文庫	
番號	和 26459
冊數	3 (3)
函號	206 418



詩山堂詩草卷三

詩草文庫

小畑 行簡 居敬

奉呈芳州公子

福惠全書長拜借聊將郢曲謝高恩
帙中圭璧無瑕瑾返上明公富貴門

送春同前

處處群芳落盡辰廉纖小雨灑來新
牡丹芍藥含紅淚各傍園籬送暮春

臨江閣小集三月盡分韻

無限煙波墨水涯嘉肴美酒醉詩家
東皇將去黃鸝老

言上言言卷三
一
一曲笙聲惜落花

初夏遊覺成院隱宅觀盆種筑蘭因席上賦以呈
蘭葉尖如松葉簇縮伸麟脚俯龍頭四時盆種凝濃露
各自無音綠欲流

梅雨

黃熟梅天雨不晴舊荒居宅濕逾生兩三辟席振纖尾
僻上時時貼腹行

題詩佛老人墨竹

螯來刺日及清秋月露風煙自結儔幹併穉龍抽直立
葉分个字響颼颼支持預怯寒天雪隱遁深憐北阮幽

譽美縱登淇澳詠不離笑指屬名流

賀佐藤國手七十

寄詩遙賀健安躬五尺童顏七十翁此日玉壺仙酒讌
期願重禱詠春風

贈諸葛良軒

形瘦如梅老益清古今奇說自翻香曆明日月星辰宿
數定地天南北方

墨江路上偶成

路傍衝鼻細香來右是清流左翠臺昨夜微風微雨過
一叢蘭草著花開

讀溫疫論示兩森宗益

可氏著來溫疫論我開活眼試平章棄如救屣芥連劑
範做馳驅承氣湯

偏執寒涼熱益昌一泥溫補勢尤強硝黃真是莫干劍
屠盡三腔疫鬼狂

讀東洋翁醫則

此翁專學古文辭下筆縱橫說吐奇頓挫抑揚如藥石
沈疴蕩滌療時醫

贈軍學家某

發秘常言戰士儕一人兵勝萬人兮火牛燒尾群營亂

銅燉進臺千隊迷墨霧翻天埋彩旆奔雷動地碎雲梯
縱無計畫勞心力不至凱歌做噬臍

至日席上呈望月松田二君

白酒佳有冬至謙把杯先賀一陽長雙賢玉樹高風下
自愧薰葭列畫堂

送山下佛山還京師

馬頭西去遠揚鞭正是京師溽暑天公事真成知靡盬
濕衣汗雨雨如烟

某友人見惠嫩蕨詩以謝之

嫩蕨來投半筐餘晚春音信云疎初前賢隱去凌飢餓

後哲著明傳史書首戴瑤冠形雅笏味同尊菜肉柔魚
心知遠采南山下霽日暄風幾曠梳

除夜

轉居以後兩三年屢遇凶禍事倒顛除夜寒風銳於劍
鬼門屠盡惡魔天

歲旦

去冬多債難償得賣拂家財典弊裳案頭空伴盃梅竹
儒俠詩狂答正陽

讀藥徵示久我玄隆

諸藥徵徵依例裁議論刮地快風回朦朧後死凡醫眼

五里芙蓉霧始開

讀建殊錄

古疾醫方東洞翁烏黃遂戟奏殊功八倒七顛年月久
暴風吹拂霧空濛

死生有命可如何只道吾能治萬疴備急熬丸真蘇粟
建殊功在瞑眩苛

讀方極示大浦玄昌

古方方極撰先成病證湯名的皦明暗路醫生前導火
經過培塿上崢嶸

酒中花示蒲生惠翁

詩山堂詩集卷三
似紙如紗製是誰，寸餘鍼大化工奇。財投盤水兮朱綠，展觀蟲魚百菓姿。

獨嘯莽

一謁曾從為詰問，東洋豪傑答時窮。後生今亦聞名畏，實是西邦獨嘯翁。

赤馬關遙海一方，龍心帟貌嘯跣長。藥竒單味新瓜蒂，快吐時醫療發狂。

讀漫遊雜記

雜記漫遊一部，篇想看半采勝時。賢邁豪不管毫頭銳，字句文章有倒顛。

燈下讀書

書齋夜靜杜窓扉，挑得孤燈照四幃。韓柳文篇瓊上玉，李王詩卷机邊妃。言辭佶偲頭雖俯，義理融通神欲飛。趣味應同童子伴，吟行舞雩浴振衣。

贈菽原秋巖

歷倒菱翁豈不真，說文釐折六書神。墨池時發風師怒，曠野吹篩木葉人。

傷寒論

張氏醫書不異儒，一章一句法皆符。學者若能無活眼，行中恐有泣歧途。

北里娼婦

美人緩步街中夕不笑不言裊娜姿綾襖三重龍席繡
雨飛風起巫山思

針灸家示久我玄恭

一身經絡百骸中踰數天行日數同針灸能環通氣血
不生狂雨不生風

謝河村春洋惠梅花一枝

家庭培養玉仙妃半蕾半開暗吐香蘭慕七言為納采
即今婚媾折枝歸

河村春洋席上見惠梅花一枝余遺齋歸後賦

此以贈

婚姻春月約期成欲聘仙妃親自迎忘却折枝乘醉去
孤燈一枕不眠生

佐藤東涯曾藏大已貴尊像一日延余許拜觀容
貌古雅妙不可言背錄文永元年甲子日日蓮作
九字問之曰文政元年甲子獲之中鄉市店余歎
曰君平日所誦梵文感應取信如此可不謂奇乎
因走筆題一絕

國手家藏高祖製啞然笑作擲鎚姿前後奇緣同甲子
法華心願獲天慈

一日訪樵寺院主曰吾庭年年產靈芝因席上賦此以祝

切為名僧修佛道庭中每自有靈竒地天年月堅精氣
紫紫抽頭產玉芝

贈日耀上人

一年三百六旬三梵唄朝昏向一龕妙法金剛堅固力
斥非自與祖師參

贈某醫人

逸樂迎秋又送春自稱陋巷隱醫人家無目下妻兒累
囊有山中採藥真

苦醫事示山下玄門

忽卜還家來故國誤恩愚慮向誰陳業醫偏愧丈夫志
煉藥深愁痼疾人忙裡不看山水富閑時却說草廬貧
隣村評語先生苦了作亂頭霏雪辰

贈長鳴玄養

古今醫法琢磨多老少偏分男女科三折又能為九折
藥劑八減理沈疴

送池田啓齋還濃州

祖席期期贈小詩明年會面果何時春風西去天涯路
柳絮鶯聲惜別離

贈青雲堂主人

樹木流中一派書群童欲學入門初君能翻案生機軸
骨肉添皮筆滑如

贈村吾園

離婁明眼公輸手萬象收來一臆中元是準繩規矩法
方圓平直奪天工

樂樂齋主人躬製陶器見惠席上賦此以謝

妙手新裁陶色赤畫松描竹影依稀主人能允吾望蜀
數十茶甌獲鴛婦

正齋主人精家相法賦此以贈

八卦探源數始詳一家新法發家相席存太極局方位
所諭人人福祿長

樂樂齋主人用洛陽阿彌陀峯土製茶器意蓋取
本來無一物之義因賦一絕

玄又為玄衆妙門似無如有不知源彌陀峯土觀音手
四角團圓製椀盆

春晚樞寺小集

雨後春風入祇園一痕明月照南軒
倭歌相伴鶯花會酌酒豪來倒數樽

木犀園

玉川流入假山清洞口生苔，岩石橫咽咽有聲三尺瀑。
卧龍松下掛絲明。

茅庵待客晝開扉，庭上無塵占暖暉。濺石瀑泉如練裂，
跨池松影欲龍飛。

夏夜投木犀園

羈亭月上紙窓明，一睡醒來耳底清。今夜只疑蕭瀉雨，
假山懸瀑瀑成聲。

某韵學家曰秋蟬性自具四聲，世人不解聲調，因
有此作。

蟬是小蟲，天稟好啖，隴自有四聲，存鳴來何似今時樂。

鄭國餘風滿耳喧

丙午之夏大雨連日，野水襄陵，人民蹂躪，愴然有
感，因賦七律一首。

水行乘筏泥行橋，日日通門不入家。亂雨斜翻蘆荻去，
奔濤高倒竹松過。焦心何用注隣國，勞體應同決九河。
幾度欲逢魚腹厄，多功幸免萬民嗟。

送熊谷醫生陪公駕還江州

酷暑難凌道路遼，仕官初是陪征鏢。刀圭誘汝醫尊恙，
九折雙肱一折腰。

大内龍安將發，未果賦此以贈。

半年羈寓水城頭鄉信促歸思倍悠發輒期過猶未果
秋風先上載鱸舟

贈寫宜明

匹夫孝養事家翁菜飯蔬羹陋巷中妙法主張神代卷
紅燈一穗發童蒙寫氏壹信法華經暗誦數十卷極領其意以發明神代卷說故及

題見吉氏庭中菽花

三尺胡枝垂細條是花是葉特矯矯秋風也惜飄然散
盡日雖吹不作飄

王子堰

滑苔苔古石崖濱來浴人人裸體身幾丈瀑泉清一幅

懸垂碎盡霧飛頻

角觝人

堅晴十日興行中擊鼓迴街響曉空角觝裸腰纏錦繡
拔山聲氣判西東

詠花炭鴻野主人囑

松竹梅添枝葉幹焚成花炭納風爐煮來錢竈春濤沸
吹出茶煙香有餘

佐藤東涯手寫法華經賦此以贈

耳順年齡曾不倦焚香手寫法華經藉此信心堅固力
家無妖孽體安寧

讀芭蕉堂主人知足句賦此以贈
僻地幽閑柴戶家庭中有柳有梅花俗吏不來詩客到
一樽春酒足生涯

題夷人圖山崎氏囑

繡紋苧服是夷人蓬髮蒼髯一丈身獨步孤筇腰帶管
釣魚生活舊溪春

贈松尾亭主人

茶經便是茶人鑑覈覈能知械噐全茶笕筵巾裁寸尺
風爐炭鼎定方圓
熟讀茶經道可知培栽製法不違時誘汝從今為檢閱

別開幽圃了生涯

藏街開戶數椽家半賣龍團半挽茶茶是西邦松野尾
風聲傳響響無涯

送宥道士還奧州

一派蕉風一派門出來杼軸足奇言墨川牛嶺追晴景
到處吟哦醉幾軒

風流道士訪荒居句寫交情竹馬初半日閑遊是饗應
一竿垂釣墨川漁

平泉覽古示影田棊山

奧地曾鍾天下勝威光懸日霸王心城門固守城門壞

戰士力窮，戰士擒遺恨無。風飛箭石，火燐有雨照青林。故墟猶鎖悲秋色，邱壑吹傳蕭瑟音。

崎客來說鮮人長白山中，劇人葭事，因作此首。

峯高長白，白山陽。蕩草生邊，夜放光避。帟有人栽，表木到明。劇處土先香。

五葉三極深碧，草不生。山背產山陽，大陽陽氣真精。力僅與人間熱胃腸。

遙寄伊藤文村

伊藤氏號青虹堂

風雲遙隔十餘年，日日思君夜夜連。君坐青虹堂上，席望山觀水樂長圓。

與峯村氏同遊梅莊歸路見示俳諧一首賦此以贈

君言宿昔所為非，醉月歌花不識歸。勸學書生年易老，似花如月恨依依。

一日訪龍光堂主人，庭中有櫻樹，問之曰：嵐山之種也，賦此以呈。

櫻花倭國一花王，淺理紅粧淺吐香。遠自嵐山移種好，意行探勝向東方。

和三上氏東橋竹枝韻

娼樓夜住墨江濱，誰是春風不蕩神。柳巷花街連夜醉。

歌喧蝶舞蝶飛人

淺草觀音寺中寓居作示金藏院主

觀音寺內金藏院地隘纔能占我居井洌朝昏茶瀾足
貧家不說食無魚
宅尤深奧雜人居擊劔鳴絃賣菜蔬隣舍一無知己在
蘭窓我只讀吾書
一大雷門砌地清錦衣棉服客群行物皆交火皆能赤
佛語聲中佛語聲
詩山轉宅孰能知院與尤深舊井涯唵明若慕吾居到
為訪門前賣卜師

鷄鳥曾栖寺院中菩提地易得神通市人偶混群雌去

毛變聲高乍作雄
寺中吼出華鯨響遠處尤高近處卑夜夜不論雲氣起
朝朝晴雨果能知
表跳桴鼓一雷神裡座箭弓雙大臣實是觀音江海濶
慈悲能涵億千人
地開觀音寺裡奧揚弓弓店晝開扉遊人言笑無爭起
的的傳聲箭箭飛
伎尤細小揚弓伎一的纜違百的違嬉戲真非嬉戲事
中庸願發信誠機

紅橘松枝草注連物皆清淨獻神前
 觀音寺畔人人市
 關到正陽元旦天
 石櫃清泉盥漱人先償罪劫
 擲錢新一錢錢積團金緒
 豈莫真心撼鬼神
 五重寶塔四檐鈴放出金光幾歲經
 觀世勸人慈愛到
 一心明決一天星
 觀音寺裡大華鯨晝夜一周時刻
 鳴激激謔謔還叫叫
 惟隨風脚送高聲
 觀其疾述職東都
 促駕慮從寐不言市街警蹕自正端
 家章衣銳箱雙對

畫鞞轂弓鎗千竿鐵馬健行霜地白
 金鑣嗚咽曉天寒
 庶民只禱公無疾述職春秋許拜看
 佐藤傳兵衛一日謁君公賜絺綌一匹賦此寄
 賀
 如兒慕父思忠孝粉骨摧身事主人
 積善名家纔有慶
 國君恩賜綌絺新
 象棋
 指下金銀雙大將相爭氣勢擁王城
 當前徒卒交兵刃
 時有飛車有角行
 大塚氏招飲

瑱珠米飯鯉魚羹，數椀饗吾酌。麴生醉駭，四筵雄辯爽。龍門瀑水啣崑鳴。

題青青軒席上作

亭前常愛琅玕碧，幾歲交枝葉更繁。穉子從今無病苦，曾孫猶且有玄孫。

示高嶋文榮

酒是雖言百藥王，飲非佳味只為狂。晝宵須誡書生業，似箭光陰學易荒。

示大塚淇君

莫入佗門誤所思，問經為足一人師。古言可信悲絲意，

墨染終無返白時

佐藤樂只性頗耽，學不論晴雨到。

仰高門與聞講說，精勵之至。

官賜褒辭市井之徒，蒙殊恩榮幸何如此也。因賦以贈。

道德潤身洙泗教，朝朝拜聽仰高門。一家三族何榮顯，官賞殊蒙雨露恩。

題綠陰亭席上作

綠陰亭山目驛鈴木玄龍之別莊

一亭幽築自閑然，俯得川流萬畝田。屋敞檐牙升日月，簾涼蒲席起雲烟。梅邊掃石時移坐，竹下聞泉欲假眠。

此境世間誰克識，王翁養氣畫如年。
閑中不似街人鬧，獨伴琴書自養精。
松影抹筵傾綠酒，梅軒高枕愛啼鶯。
野田千頃東南圻，河水征帆星月清。
一卜山居結茅屋，世塵何肯浣幽情。

余偶讀百人一首竊擬其意，謾綴巴詞，鏤梓以便
于童蒙學書者，實貽蒹葭倚玉樹之誚，又聊題小
詩，應嵩山房主人需。

殿上人人百首歌，有花有月有煙波。
我詩掬力真堪愧，添露添霜添薜蘿。

食鯨鮓

鯨肉油銷，片片清味，曾和得味殊。
輕名高對，鳶洋中產，大葦多餐，養腎精。

除夜

右拮左据，三歲苦，恰逢知命略。
知天敲門，酒債難償，得一任燈前半醉眠。

高松春松手製漁具為業賦，此以贈

躬製漁竿，住水西廛，頭所鬻價尤低。
人言之子無文字，貧病知天僻地，棲

遊梅莊

早春三日訪梅莊，花破緘封纔吐香。
枝頭高掛詩箋去

詩山堂詩集卷三
十一
勒住風師不令狂

竹田氏家畜一奇雀賦贈

綵縷碧籠何用繼，分明人語乍新裁。
背開尖舌眸頻瞬，翅染斑紋尾半豸。
能曉喚呼登手掌，恰隨擊節躍盆罍。
窺看亭主閑眠暇，逐得蚊蠅復入來。

題銀香撞鏤梅月

小小印籠銀雪白，仙刀鏤刺一枝梅。
梅妃不語偷丹去，照看廣寒粧鏡臺。

飛鳥山途中

秋風涼氣向昏生，數里山村半日程。
蟬在樹間蛩在草

捲簾竹轎睡中行

澤熊山見惠所著獨喻集一本賦此為謝

一卷詩篇二卷文，詞言金玉八音分。
雅樂元非今俗樂，獨喻還使眾人聞。

讀周易

先聖曾編易理奇，爻皆示物卦皆時。
初周三百年間事，所以興衰仔細知。

題畫團扇應某索

一畝荒園露冷時，切離茄紫有人遺。
鳴休蟋蟀跳身到，噉盡清漿凌渴飢。

題酒壺應佐久間氏索

主人懇誠一家，人為寵翹。生時損身，聖語無量。無及亂
平常各自可書紳。

堀内途中

欲求涼氣，草間行。蜥蜴遮途，匍匐輕暑。熱蒸人眠，且覺
不圖曲處兩三驚。

秋日訪黃葉夕陽村舍賦呈茶山翁

地幽村舍葉黃，秋檢閱詩篇。隱案頭課了夕陽，人散盡
立庭閑聽石泉流。

贈松浦玄瑞

執匕正知無暇日，品街又轉趨街居。醫宗贏得詩篇什
促吾針石療蓬條。

清水途中遇三宅橘園即賦以呈

人間誰弟又誰兄，變化連綿互送迎。日月如環催晝夜
四時似夢幾陰晴。意行猶比奔車態，邂逅相逢傾蓋情。
有酒旗亭吾欲勸，一無束帛贈先生。

誠醫三首

儒經醫學難兼備，儒讀儒書醫讀醫。願獲武人雙劍術，
沈疴破竹苦如遺。

謂讀儒書莫若醫，醫而無學亦何為。張機所著傷寒論

玉石混淆難辨知
醫人今古文章拙萬卷方書糠粃多不堪伎癢吾箴去
蠅頭朱批若星羅

誠酒徒為其

真是翹生時易長一杯杯到數杯杯紅潮滿面容頹却
不啻高聲撫劒來

誠某儒生

貨財似鳥易飛飄道德如山不動搖誠汝晝宵無辨別
身遊藝苑作逍遙

佐藤道機曾有九州之志二月仲旬訪余居歸路

重復見過席上賦以贈時天保三初秋之日也

九州西去三千里行旅旅中風雨艱迂路歸來敲草戶
歡語互看歡語顏

某卜家善射覆手探筮策的中和撰百家名無一

失賦此以贈

人心如面雖難曉器覆紙封探蹟情探策分明指其掌
國風雲客百家名

村上氏令愛年甫七歲一日忝招飲賦此以贈

君家令女容儀好幾疊新衣分綵明鶴舞龜遊千歲祝
朝來盛宴笛歌聲

言山堂詩卷三
瑞蘭女史善清樂一日訪余為奏一曲賦此以贈
簫鼓月琴樓上催玉鳴蟬咽曲新裁白雲乍被風吹捲
奏樂頻伽墜地來

代好道家人賦贈松村圖南

一逢道士入金華四十四年不憶家兄棄妻兒心有妙
身成仙客語要誇體催煙氣空飄去石變群羊忽起過
常服松脂茯苓液顏如童子壽無涯
清淨無為道士賢榮華富貴正飄然元明六甲裁行厨
幾役鬼神成默仙簪畫樽醪半斷棟拋珠蓋盞高懸
盤泉更有短竿釣盈尺鱸魚恣意真

山本甫俊國手性嗜煎茶索余一絕賦此以呈
縹軸盆蘭小室中滿瓶雲縷怒豐隆喫茶終夜清談會
胸豁西湖十里風

贈醉茶翁

有期延友小菴中石鼎颼颼松起風數椀終宵眠不得
果然人喚醉茶翁

誠疾醫

周官曾設醫科職草木皮根百藥供不害人生攻病毒
拳拳勿一失中庸

賞菊

庭前卓立菊花黃不怯秋風不怯霜
隱逸多君身後骨邁豪長此駐清香

誠某生

物易凋傷事易虧事成物毀悔何為
後車能鑒前車覆且戒崎嶇立路危

祝暖房贈青青軒主人

葉葉青濃君子枝待冬移種墨江涯
幽栖長枕清流水洗耳世間名利滋

校經史示觀水樓主人

經史豈其無紕繆只依潤色作真文
自今讀者如良御

御字馳驅要策歎

九州力士

今齡二九海西人無比力量十尺身
同邦更有幼童大酒飯饕餐歲七旬

仙臺糒

白糒堅盈紙袋中緘封四角若銅筒
不須火熟兵糧好野戰長為口腹充

示儒生某

儒生有目無眸子豈辨文章一象姿
脚與尾猶如掃帚讀他人著只生疑

夏蟲元是訝寒冰似瞽儒生難認微我著途行真竹杖
九回日夜折雙肱

鮎澤周禎以眼科為業賦此以贈

瑱珠瓊寶兩仙方一滴皆言已復常永夜雲飛銀海暗
摩波直上玉盤光

鼠婚

佳辰納幣約昏清窩窟披扉互送迎毛服襜如輿綴草
祝辭紛若僕忘名盆裁龜鶴謠枯舌樽酌聖賢拍撮鯖
伉儷枕高懸說話共同二世結情盟

嘲當世詩人

詩作從非敦厚教數千篇什果何為聖人箴語君能會
莫趁時流動邪思

贈山田子辰

伐柯法則眼前存覘視何人發遠言册子新鑄近時俗
射名射利却無煩

讀傷寒金匱示信夫尚貞

金匱傷寒論美稱狡兒何物巧方篇卞和雙眼精明鑑
天下初知寶玉傳

偶成

卧褥眠醒早曉時三時限課構新思經書且惜光陰速

行步家居不手離
白日途中看史步
雨天沈默鍊詩行
歸家欲晚燈光點
檢閱經書睡不成

題俳諧百首示了頓上人
古人俳句非諧謔
皆是瞿曇悟道心
變幻何窮雲霧窟
有音纔覓竟無音

喪長女偶作
死生因果作前期
桂碎松崩何不悲
語聲在耳姿容目
隨聽隨着盡發思

不定無常老少躬
神魂頓易誘西風
紅顏白骨尊師語

真是人間一夢中

詣亡女墓

長女仙登太薄情
拈香日日叩墳塋
風寒促織如機織
咽咽時潛草底鳴

答友人

有友慰來亡女意
一朝風木夢中過
請看伯魚先居父
輒軻雖聖奈天何

示某生

汝如鼠輩怯心生
晝則無聲夜則聲
憤激願成蝙蝠翼
野風三尺體猶輕

題華佗像應醫人某索

世醫常是競英豪，莫把拙工嗤志高。
小貼痴來麻沸散，大瘡痕沒妙神膏。
血通手足五禽態，肌透皮膚一顧勞。
遠近縱無邦國聘，全成健體及霜毛。

傷寒論中頭項強痛句

頭項下連強痛句，古來難解說空濛。
漢書車馬羸敗意，一貫終初示錯綜。

桂枝湯方變證浙浙齋齋說示井口一甫

浙浙猶添齋齋詞，桂枝正變豁然知。
中風易證傷寒劇，文字形容折似疑。

葛根加大黃湯方作井澤政忠囑

葛根加大黃湯外，散邪風內洗腸。
一舉此方為兩得，頓教病者復平常。

余家有蠶齒眼病兩施藥流行有日因賦一首

施藥吾家不取錢，極窮如富愧時賢。
半合疼齒風過地，一點雲眸雨洗天。

神僊丸

人體恰如天地，冲頓生雲霧頓生風。
神僊密竒丸劑，一服蕩腸垢盡空。

自古上工醫未病，驅除毒液一身平。
青山雨沐花猶馥

秋水風梳月自明

贈易家某

近來讀易操觚士就文辭中解文情漢代明時諸腐說
飽為耳食惑逾生

一日讀先哲叢談有言物茂卿少時好雷自號蘓
雷因有此作

宇宙雷鳴催一轉心神活動夢初蘓響生深鹿崩軍勢
却發洞庭張樂娛兩歇蟠虹映雙眼雲離爽籟扇周軀
南軒倚柱遙觀望氣象全將造化符
望月君惠和韻席上賦此以呈

新春發會君無到醉揭風簾跋望長且喜賡和情不盡
染箋霞彩落書堂

春雨和歌

春林幾日帶風聲曠野山村暖未生昨夜窓前撩亂雨
花顛尤是促花情

遠村柳同前

柳擁春村隔水涯枝枝垂縷亂絲斜翠煙一抹依稀裡
定有風流隱者家

佐藤東涯來賀新正見惠菊花脯賦此以謝

粘帖金精製海苔淺深黃色寸餘堆村園壽客移時序

却祝新陽向我來

贈昆泰仲

今時時弊醫風習，竿濫偏能惑世人。燕石秘藏為大寶，不知方藥救貧民。

菊花煙草為赤坂圭齋

菊花烟草染金黃，一喫生秋胸次涼。誰知妙訣存長壽，容貌雖癯傲骨香。

詩山堂小集

案供硯筆驅蜘蛛，趺坐閑宵世事忘。池水蛙鳴充鼓吹，書窓月上換燈光。客無驚咳敲柴戶，詩有流風洗垢腸。

茶酒任他生趣興，鐘聲報曉到茅堂。

某醫人藏村井柁壽一萬方余欲借以贈七絕

單單藥味萬和方，嬌女加粧玉滿囊。納幣期成不容嫁，東家牆下惱情郎。

馬場氏招飲席上題畫杯

獅口大杯丹腹新，細敷金箔畫花神。花王富貴家豪富，萬斛瓊漿飽醉賓。

春日遊日暮里偶唸示扇面亭主人

春風山上滿開櫻，遠近高低雪樣清。帶醉人攜三五女，夕陽花裡發歌聲。

春日訪天王寺

嗟侶尋春佛閣清
椀茶盆菓有風情
暮鐘聲散天難晚
庭上櫻花滿樹明

暮春遊吉祥院詠庭中牡丹

牡丹凝露競紅粧
庭上如眠盡放香
小院無人春晝永
鈴聲亦似喚花狂
國色雖衰猶吐菲
欄前齊立弄晴暉
春風如妬微吹送
一簇紅雲碎乍飛

賦農苦

五月炎天揮扇時
村行裁得慰民詩
採桑少婦愁蠶瘦

輭塊老農欣雨滋
睡眠却疑晨漏早
懶身猶覺晚鐘遲
深耕次第無安逸
世界誰家有所飢

贈木崎雅士

風塵役役不探幽
何幸今宵同占秋
墨水金波千萬頃
一竿瓢酒泛漁舟

題觀帛亭

閑室捲簾池水潏
翠松松影夕陽深
錦鱗時慰佳賓意
一兩跳身浪有音

題釀泉亭主人囑

上池水釀深黃麴
風味清甘存古風
一飲非惟溫口腹

容顏不老老還童

墨隄路上

宴歇興情猶未盡春風路上曳筇還月分清影江村夕
片片飛花撲醉顏

大原女戴薪圖其囑

負郭婦人京地習年光四十艷粧添嬋娟螭首綿巾短
軟弱蜂腰麻帶織一束杉薪風不落半開櫻朶雨微露
東阡南陌聲聲遠賣向朝炊午爨簾

題祥瑞磁盆松尾亭主人囑

昔時祥瑞入唐山萬里波濤齋塊還最巧白磁花鳥碧

高名赫赫遍人間

某友人孫兒羅病賦此以贈

乳母不眠妻不眠晝宵看病病孫憐于天于地神無否
幾度吾心為倒顛

春日郊行

春風吹暖暖猶輕帶笑梅花送且迎欲解宿醒重酌酒
詩筇攬勝野村行

春日俗事紛冗不出家因有此作

二月春風墨水涯只聞梅發未探花愧吾連日無風韻
俗事繽紛務在家

讀芭蕉翁句贈孤山堂主人

語言榮辱樞機發，駟馬從來及舌難。
 一陣秋風吹面去，吻唇窳若只為寒。
 唇上堅圓臆短塢，舌根深鎖小長城。
 不向三軍受伏兵，麥引名區杜若緣。
 陸續無邊遠接天，鹿鳴明神神代事。
 誰知此社歷居諸，堪思松樹為松子。
 庭上當年折甲初，峽裡危崑峭石連。
 兩崖崖上幾梯懸，行人欲度身搖處。

薜荔纜扶性命顛

單身賞雪葛陂涯，曠野雲消霽景奇。
 不厭瓊花堆屐齒，行行直到欲顛時。
 一簣積功終到巔，人間萬事况賢賢。
 請看淡泊易消露，結作今秋米穀堅。
 峽裡雲根印古苔，急流如箭勢如雷。
 早朝飛散枯林葉，直向藤川暮下來。
 春侯纔來海色開，風恬水底暖將回。
 午陽從是遲遲水，漂漾煙波產紫苔。
 幾處溫泉穿石吹，硫香飛散四山涯。
 不須村舍籬邊菊

得得乘秋折一枝
滿宵風露霽殊新
纖小飛雲沈月輪
一啜哀聲纔入耳
始知秋鴈過天津
月沁清波波沁月
金鱗徹底幾紋連
一池池上涼風到
緩步終宵不故眠
讀其角句示雀躍閑人

初雪紛紛風特寒
結冰斜逕接遙村
童丁亦是夫人子
憐趁黃昏取酒樽

讀嵐雪句為已有歌人囑
缺骨金身角觝人
立環土俵發聲辰
纏腰蜀錦臨風動

粲爛光輝射眼新

埋火和歌題賦贈茶人宗關

三更更盡四更初
持筋方埋小火爐
獸炭秋昏紅葉散
死灰風落白霜餘
雲山煙水來幽夢
竹枕蒲筵占隱居
鷗侶柴門無剝啄
書窓獨夜護閑如

讀寒太句示柳南堂主人

日暖風微淑景遲
半庭楊柳盡垂絲
歸家纔看風流質
便覺恣心消一時

讀不角句為友之雅人

花花細綴蓮華草
大野原邊競艷粧
今日憑君休謾拔

乾枯枯盡失清香，
狐字才偏瓜是旁，己名為食奈何忘，
禁榜一揭歌人句，
感服如神不入場。

讀士朗句示松田桂布

古人稱曰枏檀樹，
僅恰從三葉香，
此子今辰初着袴，
袴雖敝盡立身長。

同前

百合花分姬鬼，
兩夏山一處一齊開，
柔腸爛醉剛腸銳，
赭面粧丹帶笑來。

讀千代尼句示蒲生定榮

幹雖合抱枝枝瘦，
一段風流一段奇，
世俗休言多醜態，

柳楊自有柳楊姿，

良人棄我太無情，
一夜成雲何處行，
卧起紗幮幮裡潤，

徹明燈下睡難成，

婚姻許嫁初為契，
只是關心愧惱吾，
不識秋霜霜後拆，

舌頭滋味有還無，

菊花所製祖師曼陀羅，
債蒙古軍艦圖

曼陀七字尊名號，
地撼天知起颶風，
波濤山立傾軍艦，

萬卒葬來魚腹中，

紅是艨艟霜是劍，
黃葩分字織曼陀，
軍兵百萬波濤債，

凱陣翻花吹法螺

靈感院庭中菊花所製祖師圖

菊花新製祖師姿默立秋庭費巧思欲度世人隨世俗

黃衣更著錦裝奇

菊花所製七字題目圖

寺畔菊花栽佛身六根清淨度人民南無妙法蓮華字

筆法猶如肉筆新

菊花所製祖師像

金輪輪下重三拜黃衲尊師立海涯此日欲催彭澤興

菊花開落替蓮華

菊染清霜又染紅萬莖分界立庭中祖師亦似嫌塵世
衲綴花花隱此躬

賦母在一子寒母去三子貧為某囑

金非珍寶好言珍思在胸中發面辰蘆絮纏身寒易徹

冬車依御責猶煩憤翁放母家翁計一子貪憐三子貪

幸入孔門稱四哲了成希世大賢人

巢籠某園中有名菊曰旭獅子一莖數百花香者

如堵堵余亦一見不堪感因有此作

訛雜人聲勢欲傾少年騎馬促鞭來一株三百長莖菊

獅舞虎跳霜裏開

菊富士

歷霜欺雪菊花英，削削芙蓉突兀清。一雉敷青青葉，
細香吹出不成聲。

白菊

菊花花面天然白，無艷何能有落粧。霜氣季秋寒冷劇，
容光不暫變清操。

秋日巢籠路上

取選佳人絡繹斜，少年自送笑聲譁。到邊探菊園園裡，
賞在紅粧不在花。

菊花

逸女心情如逸士，愛秋粧肯競春粧。幾重寸寸撚金瓣，
枯立多時不碎霜。

白菊寶船

菊花新造寶船工，五彩秋帆滿腹風。載得露香千萬斛，
凌波欲入市門中。

菊鬪鷄

紅菊為冠黃菊羽，眼睜相睨欲窺閑。童擎團扇輸贏決，
笑立香風玉露間。

根津團子坂多有菊圃，花丁手把枝造諸圃。余偶
觀此即賦十二首，實乙巳十月仲浣之日也。

正月 菊獅子寶心 隱逸金精替牡丹栽來獅子縮毛寒新禧為祝門前舞首欲生風口欲餐

二月 菊孤 露霜鍛冶菊花黃變化豐孤毛自香二月風強初午日例為預備火災防

三月 菊潮盡蛤蜊 白菊退潮黃菊泥蛤蜊無數望逾迷意行欲拾漁童去不厭春衣露濕齊

四月 菊新月杜鵑

絕巧驚人嫩菊花彎彎新月影橫斜此時初夏宵將短啼血青鵝怨却加

五月 菊甲冑

菊花武者迎端午兜鍪如金甲赤瑛元是英雄豪傑質百骸雖死有芳聲

六月 菊富士

白菊秋霜起一巔雲衣袒去露尖肩偏因清露清香冷六月猶忘極暑天

七月 菊短箋歌

東籬細織倭歌曲一首撼神情更幽牛女相逢相別夜

露珠終作淚珠流

八月 菊武陵月

黃金綠葉爭新製，芒草齊分影影明。今夜武陵原上月，露香如桂襲人清。

九月 菊插瓶

重陽時節菊花開，編作銅瓶瓶有臺。瓶裡插枝高手段，橫斜俯仰拔凡來。

十月 菊烏帽竹籠

范村却盡客商歡，倍露蕙香利起巒。小竹籠紅鯛欲納，大烏帽蛭子將冠。

續工對錄卷三

言山十一月 菊蘿腹根鼠

延來壽客細工清，始祝微陽自發生。一本土酥雙有脚，二頭銀鼠戲無聲。

十二月 菊雪山水

誰將白菊費神機，歲末閑逃世上非。冷絮模糊山水景，唵朋不到杜柴扉。

八
 鐘
 不
 匪
 其
 然
 氣

鐘
 不
 匪
 其
 然
 氣

鐘
 不
 匪
 其
 然
 氣

鐘
 不
 匪
 其
 然
 氣

鐘
 不
 匪
 其
 然
 氣

詩山堂詩草卷三終

彫工後藤鍋吉

